

12. november 2009

UKA2009/121

Nunaoil A/S pillugu Inatsisartut inatsisissaannut nr. xx, uu. qqqq 2009-meersussamut siunnersuut

pillugu

Inuussutissarsiornermut Ataatsimiititaliap

ISUMALIUTISSIISSUTAA

Inatsisissatut siunnersuutip aappassaaneerpeqarneranut saqqummiunneqartoq

Inuussutissarsiornermut Ataatsimiititaliap suliarinninnermini ukuningga ilaasorta qarpoq:

Inatsisartunut ilaasorta, Aqqaluaq Egede, siulittaasoq, Inuit Ataqtigiit
Inatsisartunut ilaasorta, Niels Thomsen, siulittaasup tullia, Demokraatit
Inatsisartunut ilaasorta, Naaja Nathanielsen, Inuit Ataqtigiit
Inatsisartunut ilaasorta, Siverth K. Heilmann, Atassut
Inatsisartunut ilaasorta, Per Berthelsen, Siumut

1. Siunnersuummut tunuliaqutaasut imarisaalu.

Namminersorlutik Oqartussat namminersorneq pillugu inatsisip atuutilerneqarneranut peqatigitillugu Nunaoil A/S-imi naalagaaffiup aktiatigut piginneqataassutai pisiarai, taamalu ingerlatseqatigiiffimmi kisiartaalluni piginnittuulerluni.

Taamaattorli Inatsisartut inatsisaanni atuuttumi (Kalaallit Nunaanni kulbrintisiornerit isumagineqarnissaannut selskabiliornermut Inatsisartut inatsisaat) Nunaoil A/S-illu ingerlatsineranut qulliunerusumik killiliussaasumi suli nalunaarneqarsimavoq aktiatigut piginneqataassutit affaat Namminersorerullutik Oqartussanit pigineqassasut affaalu allat naalagaaffimmit pigineqarlutik.

Namminersorlutik Oqartussat eqqarsaatigalugit taamaalilluni Nunaoil A/S-imi aktiatigut piginneqataassutit tamakkiisumik pigineqalernissaannut inatsisitigut killiliussassat suli (naalagaaffiup piginneqataassutaasa pisiarinqarnerannit qaammat sisamat qaangiutereersut) inissineqavinngillat.

Siunnersuutikkut matumuuna tamanna pissusissaminut inissineqassaaq. Taamaalilluni siunnersuut akuerineqarpat kulbrintisiornerit isumagineqarnissaannut selskabiliormut Inatsisartut inatsisaat atuukkunnaarsinneqarluni piginnittuunermut pissutsinut nutaanut naapertuuttunik Nunaoil A/S-imut qulliunerusumik killiliussanik nutaanik aalajangersaasoqassaaq.

2. Siunnersuutip aningaasatigut kingunerisassai

Namminersorneq pillugu inatsisip malitsigisaanik ullorlu 21. juni 2009 Nunaoil A/S-imi naalagaaffiup piginneqataassutaanik pisinerup malitsigisaasa saniatigut siunnersuut immi aningaasartuuteqarfiussanngilaq.

Ukiuni missingersuusiorfiusuni Nunaoil A/S-imut aningaasalersuinissamut ukiumut aningaasartuutaanerusussat 4 mio. kr.-iunissaat naatsorsuutigineqarpoq. 2010-mut aningaasanut inatsisissatut siunnersuummi immikkut ittunik aningaasaliisoqannginnissaa siunnersuutigineqarpoq.

3. Ataatsimiititaliap siunnersuummik suliarinninera

Ataatsimiititaliap aallaqqaasiutigalugu oqaatigerusuppaa nuannaarutigigamiuk inatsisikkut matumuuna Kalaallit Nunaat aatsitassarsiornermut tunngasut Namminersorlutik Oqartussanit tiguneqarnissaata naammassineqarnissaanut alloriaqqimmat.

Ataatsimiititalialli maluginiarsimavaa Sulisitsisut (GA) tusarniaanermut akissuteqaamminni ilaatigut oqaatigimmasuk:

“Sulisitsisut kissaatigaat inatsimmi Nunaoil A/S-ip aqunneqarnera isummerfigineqassasoq, taamaalilluni Nunaoil A/S-ip aqunneqarneranut aatsitassarsiornermi aningaasaateqarfiup akuersissutigineqaqqammersup aqunneqarneranut piumasaqaatit aamma piumasaqaatinngortillugit. Sulisitsisut tamanna pissusissamisoorutut isigaat, tassami Nunaoil A/S uuliamik nassaartoqassagalarpat aatsitassarsiornermi aningaasaateqarfimmut aningaasalersuisut pingaarutillit ilagilersussaammasuk, pissusissamisuussananilu aqutsisunut piumasaqaatit assigiinngippata.”

Naalackersuisut Inatsisileriffiannit tusarniaanermi akissuteqaammi taamatuttaaq Nunaoil A/S-ip pisortaqaarnikkut allaffissornikkullu aqunneqarnera eqqarsaatigalugit Kalaallit Nunaata Aatsitassarsiornermi Aningaasaateqarfianut Inatsisartut killiliussaasa aamma qularnaarneqarnissaat periarfissatut taaneqarpoq.

Tamanna tunngavigalugu taamatullu aamma Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata ilusilersorneqarneranut tunngavilersuutit eqqarsaatigalugit Ataatsimiititaliap kissaatiginartutut isigivaa Inatsisissatut siunnersuummi Nunaoil A/S-imut killiliussatut aalajangersakkat sukaammerneqassasut, siunnersuummi ingerlatseqatigiiffiup siulersuisuunik pisortaanillu toqqaasarneq pillugu aalajangersakkanik ilanngussinikkut Kalaallit Nunaata Aatsitassarsiornermut Aningaasaateqarfiani Namminersorlutik Oqartussat soqutigisaat illersorniarlugit malittarisassianut naapertuuttunik.

Tunngaviusumik killiliussat taakkua ingerlatseqatigiiffiup aqutsisuisa qaqugukkulluunniit ataatsimut pisariaqartunik piginnaasaqarnissaannik ingerlatseqatigiiffiup (taama aamma piginnittut; Namminersorlutik Oqartussat) soqutigisaanik naammassinnissapput. Tamanna aktiaateqarluni ingerlatseqatigiiffinnut suugaluartunulluunniit Namminersorlutik Oqartussanit pigineqartunut atuuttariaqarpoq.

Pisariaqartitsineq tamanna naammassiniarlugu siunnersuummilu teknikikkut amigaatit ataasiakkaat iluarsiniarlugit aappassaaneerinninnissamut Inuussutissarsiornermut Ataatsimiititaliaq allannguutissatut siunnersuuteqarpoq. Allannguutissatut siunnersuut aalajangersakkanut ataasiakkaanut itisiliissutaasunik nassuiaatitaqarpoq.

Isumaliutissiissummut ilanngussami inatsisissatut siunnersuut Ataatsimiititaliap allannguutissatut siunnersuutai akuerineqarpata ilusissamisut ilusilik takuneqarsinnaavoq.

4. Inassuteqaat

Ataatsimiititaliap isumaqatigiittup inassutigaa Ataatsimiititaliap allannguutissatut siunnersuutai **akuerineqassasut.**

Taamatut oqaaseqarluni siunnersuummillu siuliani nalunaarneqartutut paasinnilluni Inuussutissarsiornermut Ataatsimiititaliap siunnersuut aappassaaniigassanngortippaa.

Siulittaasoq/Siulittaasup tullia

[Ilanngussaq](#)